

中 华 人 物 传


隋唐 五代(卷)



邵石·韩晋华·蒋家平/编注



卷·4



华夏出版社

编注说明

1. 本书选取《二十五史》名人纪传，起自上古传说，止于清末，按朝代分为八卷：《先秦西汉》、《东汉三国》、《两晋南北朝》、《隋唐五代》、《宋》、《辽金元》、《明》、《清》。历史上起过重要作用的人物均已收入，可供广大读者了解历史，鉴往知来。
2. 每篇人物传记前述有简介，据其事迹详略不一；为突出其可读性，对个别篇中的引文如诏书等做了删节，以删节号标明。
3. 注释中，对难字词注音注义，对典故、历史事件、人名、地名、典章制度做通俗解释；对个别难懂的句除词语注释外，附以串释；对前后重见者，注前不注后；对历史事件不做考证，注文不引出处以免繁复。
4. 在注释过程中，参考了一些近时注本，不逐一标注。

邵 石:1966 年生,曾先后就读于中国人民大学历史系、首都师范大学历史系,分获历史学学士、硕士、博士学位。现就职于中国社科院历史所。曾撰有《隋唐五代军事史》等。

蒋家平:1966 年生,毕业于中国人民大学历史系,获历史学学士学位,现就职于中国科技大学。曾先后在光明日报、安徽日报、杂文报等发表过数百篇文章。

韩晋华:1966 年生,毕业于山西大学中文系,获文学学士学位。现执教于山西晋城师范学校,致力于中国文学的教学与研究。

目 录

隋文帝杨坚	(1)	武则天	(265)
隋炀帝杨广	(44)	杨贵妃	(276)
刘昉	(73)	唐玄宗李隆基	(279)
郑译	(77)	李密	(335)
高颎	(81)	王世充	(345)
苏威	(87)	窦建德	(352)
李德林	(95)	薛举	(360)
杨素	(111)	薛仁果	(363)
牛弘	(123)	李轨	(365)
韩擒虎	(136)	刘武周	(369)
贺若弼	(139)	高开道	(372)
薛道衡	(143)	刘黑闼	(375)
许善心	(151)	萧铣	(378)
宇文述	(159)	杜伏威	(382)
柳彧	(164)	辅公祏	(385)
周罗睺	(169)	沈法兴	(387)
周法尚	(172)	李子通	(389)
王劭	(176)	罗艺	(391)
杨玄感	(184)	梁师都	(394)
唐太宗李世民	(189)	裴寂	(396)
唐高宗李治	(225)	刘文静	(400)

屈突通	(405)	崔宁	(563)
淮安王神通	(409)	李栖筠	(568)
温大雅	(412)	李吉甫	(571)
温彦博	(414)	第五琦	(576)
萧瑀	(417)	武元衡	(578)
宇文士及	(423)	李绛	(581)
李建成	(425)	颜真卿	(589)
李元吉	(431)	李晟	(595)
长孙无忌	(435)	张建封	(604)
李靖	(444)	杜佑	(607)
李绩	(451)	王叔文	(611)
魏征	(458)	刘禹锡	(614)
颜师古	(468)	柳宗元	(617)
孔颖达	(471)	黄巢	(619)
于志宁	(474)	杨炯	(631)
褚遂良	(481)	杜甫	(633)
李义府	(491)	李商隐	(635)
薛仁贵	(496)	一行	(637)
狄仁杰	(500)	孙思邈	(639)
姚崇	(508)	玄奘	(642)
宋璟	(513)	元载	(644)
高仙芝	(519)	杨国忠	(649)
李林甫	(523)	房玄龄	(655)
李光弼	(529)	高力士	(661)
杨炎	(537)	来俊臣	(664)
郭子仪	(544)	王勃	(667)
李泌	(556)	李白	(669)

陆贽	(671)	葛从周	(792)
白居易	(678)	杨师厚	(795)
李德裕	(682)	郭崇韬	(798)
朱瑄	(692)	安重诲	(805)
朱瑾	(694)	周德威	(811)
王师范	(697)	桑维翰	(815)
罗绍威	(700)	苏逢吉	(818)
赵犨	(705)	王朴	(821)
王珂	(708)	王彦章	(825)
李重胤	(710)	苏循	(829)
王熔	(711)	李嗣昭	(832)
董璋	(715)	李存信	(836)
朱友谦	(718)	敬新磨	(837)
景延广	(722)	张承业	(839)
房知温	(726)	杨行密	(842)
杜重威	(729)	李昪	(847)
李守贞	(733)	王建	(851)
冯道	(737)	孟知祥	(859)
王峻	(743)	刘隐	(866)
李茂贞	(748)	马殷	(868)
梁太祖朱温	(752)	钱鏗	(872)
李克用	(765)	王审知	(878)
李存勖	(773)	高季兴	(880)
晋高祖石敬瑭	(780)	刘旻	(883)
周世宗柴荣	(787)		

隋文帝杨坚(公元541~604年)

隋朝的开国皇帝。因其父是西魏、北周大将，而历任北周显宦。其长女为周宣帝皇后。宣帝死，以外戚之尊入宫辅政，不久称帝建隋。后灭陈，统一了中国。勤于政务，曾对政治、经济等制度进行改革。是一位有为的君主。

高祖文皇帝姓杨氏，讳坚，弘农郡华阴人也。汉太尉震八代孙铉，仕燕为北平太守。铉生元寿，后魏代为武川镇司马，子孙因家焉。元寿生太原太守惠嘏，嘏生平原太守烈，烈生宁远将军桢，桢生忠，忠即皇考^①也。皇考从周太祖起义关西，赐姓普六茹氏，位至柱国、大司空、隋国公。薨^②，赠太保，谥^③曰桓。

皇妣^④吕氏，以大统七年六月癸丑夜，生高祖于冯翊般若寺，紫气充庭。有尼来自河东，谓皇妣曰：“此儿所从来甚异，不可于俗间处之。”尼将高祖舍于别馆，躬自抚养。皇妣尝抱高祖，忽见头上角出，遍体鳞起。皇妣大骇，坠高祖于地。尼自外入见曰：“已惊我

① 皇考：对亡父的尊称。

② 薨：周代，诸侯死称作薨。唐代，三品以上官员死都可称薨。

③ 谥：帝王、大臣死后，依其生前行事而给予的称号。

④ 皇妣：对亡母的尊称。

儿，致令晚得天下。”为人龙颜，额上有五柱入顶，目光外射，有文^①在手曰“王”。长上短下，沈深严重^②。初入太学，虽至亲昵不敢狎也。

年十四，京兆尹薛善辟^③为功曹。十五，以太祖勋授散骑常侍、车骑大将军、仪同三司，封成纪县公。十六，迁骠骑大将军，加开府。周太祖见而叹曰：“此儿风骨，不似代间^④人！”明帝即位，授右小宫伯，进封大兴郡公。帝尝遣善相者^⑤赵昭视之，昭诡对曰：“不过作柱国耳。”既而阴谓高祖曰：“公当为天下君，必大诛杀而后定。善记鄙言。”

武帝即位，迁左小宫伯。出为隋州刺史，进位大将军。后征还，遇皇妣寝疾^⑥三年，昼夜不离左右，代称纯孝。宇文护执政，尤忌高祖，屡将害焉，大将军侯伏侯寿等匡护得免。其后袭爵隋国公。武帝娉高祖长女为皇太子妃，益加礼重。齐王宪言于帝曰：“普六茹坚相貌非常，臣每见之，不觉自失。恐非人下，请早除之。”帝曰：“此止可为将耳。”内史王轨骤^⑦言于帝曰：“皇太子非社稷主，普六茹坚貌有反相。”帝不悦，曰：“必天命有在，将若之何？”高祖甚惧，深自晦匿。

建德中，率水军三万，破齐师于河桥。明年，从帝平齐，进位柱国。与宇文宪破齐任城王高湝于冀州，除^⑧定州总管。先是，定州

① 文：纹。

② 严重：严肃、庄重。

③ 辟：征召、任命。

④ 代间：人间。

⑤ 相者：看相的人。

⑥ 寝疾：病重。

⑦ 骤：屡次。

⑧ 除：任命。

城西门久闭不行。齐文宣帝时，或^①请开之，以便行路。帝不许，曰：“当有圣人来启之。”及高祖至而开焉，莫不惊异。寻^②转亳州总管。宣帝即位，以后父征拜^③上柱国、大司马。大象初，迁大后丞、右司武，俄转大前疑。每巡幸，恒委居守。时帝为《刑经圣制》，其法深刻^④。高祖以法令滋章，非兴化之道，切谏，不纳。

高祖位望益隆，帝颇以为忌。帝有四幸姬，并为皇后，诸家争宠，数相毁谮。帝每忿怒谓后曰：“必族灭尔家。”因召高祖，命左右曰：“若色动，即杀之。”高祖既至，容色自若，乃止。

大象二年五月，以高祖为扬州总管，将发，暴有足疾，不果行^⑤。乙未，帝崩^⑥。时静帝幼冲，未能亲理政事。内史上大夫郑译、御正大夫刘昉以高祖皇后之父，众望所归，遂矫诏引高祖入总朝政，都督内外诸军事。周氏诸王在藩者，高祖悉恐其生变，称赵王招将嫁女于突厥为词以征之。丁未，发丧。庚戌，周帝拜高祖假黄钺、左大丞相，百官总已而听焉。以正阳宫为丞相府，以郑译为长史，刘昉为司马，具置僚佐。宣帝时，刑政苛酷，群心崩骇，莫有固志。至是，高祖大崇惠政，法令清简，躬履节俭，天下悦之。

六月，赵王招、陈王纯、越王盛、代王达、滕王逌并至于长安。相州总管尉迟迥自以重臣宿将，志不能平，遂举兵东夏。赵、魏之士，从者若流，旬日之间，众至十余万。又宇文胄以荣州，石懸以建州，席毗以沛郡，毗弟叉罗以兗州，皆应于迥。迥遣子质^⑦于陈请援。高

① 或：有人。

② 寻：不久。

③ 拜：任命。

④ 深刻：严峻、苛刻。

⑤ 不果行：未能成行。

⑥ 崩：皇帝死叫“崩”。

⑦ 质：充当人质。

祖命上柱国、鄖国公韦孝宽讨之。雍州牧毕王贤及赵、陈等五王，以天下之望归于高祖，因谋作乱。高祖执贤斩之，寢^①赵王等之罪，因诏五王剑履上殿，入朝不趋^②，用安其心。

七月，陈将陈纪、萧摩诃等寇广陵，吴州总管于𫖮转击破之。广陵人杜乔生聚众反，刺史元义讨平之。韦孝宽破尉迟迥于相州，传首阙下^③，余党悉平。初，迥之乱也，鄖州总管司马消难据州响应，淮南州县多同之。命襄州总管王谊讨之，消难奔陈。荆、郢群蛮乘衅作乱，命亳州总管贺若谊讨平之。先是，上柱国王谦为益州总管，既见幼主在位，政由高祖，遂起巴、蜀之众，以匡复为辞。高祖方以东夏、山南为事，未遑致讨。谦进兵屯剑阁，陷始州。至是，乃命行军元帅、上柱国梁睿讨平之，传首阙下。巴、蜀阻险，人好为乱，于是更开平道，毁剑阁之路，立铭^④垂诫焉。五王阴谋滋甚，高祖赍^⑤酒肴以造^⑥赵王第，欲观所为。赵王伏甲以宴高祖，高祖几危，赖元胄以济，语在《胄传》。于是诛赵王招、越王盛。

九月，以世子勇为洛州总管、东京小冢宰。壬子，周帝诏曰：“假黄钺、使持节、左大丞相、都督内外诸军事、上柱国、大冢宰、隋国公坚，感山河之灵，应星辰之气，道高雅俗，德协幽显。释巾登仕，搢绅^⑦倾属，开物成务，朝野承风。受诏先皇，弼谐寡薄，合天地而生万物，顺阴阳而抚四夷。近者，内有艰虞，外闻妖寇，以鹰鹯之志，运

① 寢：指不追究其罪。

② 趋：小步紧走。

③ 阙下：宫阙之下。

④ 立铭：立碑。铭指刻在器物上的文字。

⑤ 赍：带、持、拿。

⑥ 造：至、到。

⑦ 搢绅：插笏于带间。绅：大带。指士大夫。

帷帐之谋，行两观^①之诛，扫万里之外。遐迩清肃，实所赖焉。四海之广，百官之富，俱禀大训，咸餐至道。治定功成，栋梁斯托，神猷盛德，莫二于时。可授大丞相，罢左、右丞相之官，余如故。”

冬十月壬申，诏赠^②高祖曾祖烈为柱国、太保、都督徐充等十州诸军事、徐州刺史、隋国公，谥曰康；祖桢为柱国、太傅、都督陁蒲等十三州诸军事、同州刺史、隋国公，谥曰献；考忠为上柱国、太师、大冢宰、都督冀定等十三州诸军事、雍州牧。诛陈王纯。癸酉，上柱国、鄖国公韦孝宽卒。

十一月辛未，诛代王达、滕王逌。

十二月甲子，周帝诏曰：

天大地大，合其德者圣人，一阴一阳，调其气者上宰。所以降神载挺，陶铸群生，代苍苍之工，成巍巍之业。假黄钺、使持节、大丞相、都督内外诸军事、上柱国、大冢宰、隋国公，应百代之期，当千龄之运，家隆台鼎之盛，门有翊赞之勤。心同伊尹，必致尧舜，情类孔丘，宪章文武。爰初入仕，风流映世，公卿仰其軤物，搢绅谓为师表。入处禁闱，出居藩政，芳猷茂绩，问望弥远。往平东夏，人情未安。燕南赵北，实为天府，拥节杖旄，任当连率^③。柔之以德，导之以礼，畏之若神，仰之若日，芳风美迹，歌颂独存。淮海榛芜，多历年年代，作镇南鄙，选众惟贤，威震殊俗，化行黔首^④。任掌钩陈^⑤，职司邦政，国之大事，朝寄更深，銮驾巡游，留台务广。周公陕西之任，仅可为伦，汉臣关

① 两观：宫廷外悬挂法令之处。

② 赠：人死后朝廷追命。

③ 连率：统帅、盟主。

④ 黔首：百姓。

⑤ 钩陈：星名，在紫微垣内，最近北极。用以指后宫。

内之重，未足相况^①。

及天崩地坼^②，先帝升遐，朕以眇年，奄^③经荼毒，亲受顾命，保乂皇家。奸人乘隙，潜图宗社，无君之意已成，窃发之期有日。英规潜运，大略川回，匡国庇人，罪人斯得。两河遘乱，三魏称兵，半天之下，汹汹鼎沸。祖宗之基已危，生人之命将殆。安陆作衅^④，南通吴、越，蜂飞虿^⑤聚，江、汉骚然。巴、蜀、鷗^⑥张，翻将问鼎，秦途更阻，汉门重闭。画筹帷帐，建出师车，诸将稟其谋，壮士感其义，不违时日，咸得清荡。九功远被，七德允谐，百僚师师^⑦，四门穆穆。光景照临之地，风云去来之所，允武允文^⑧，幽明同德，驟山驟水，遐迩归心。使朕继踵上皇，无为以治，声高宇宙，道格天壤。伊尹辅殷，霍光佐汉，方之蔑如^⑨也。

昔营丘、曲阜，地多诸国，重耳、小白，锡用殊礼。萧何优赞拜之仪，番君越公侯之爵。姬、刘以降，代有令谋，宜崇典礼，宪章自昔。可授相国，总百揆，去都督内外诸军事、大冢宰之号，进公爵为王，以隋州之崇业，鄖州之安陆、城阳，温州之宜人，应州之平靖、上明，顺州之淮南，士州之永川，昌州之广昌、安昌，申州之义阳、淮安，息州之新蔡、建安，豫州之汝南、临颍、

① 相况：相比。

② 坼(chè)：裂开、分开。

③ �奄：突然。

④ 衅(xìn)：缝隙、间隙。

⑤ 虻(chài)：蝎子一类的毒虫。

⑥ 鷗(chi)张：鷗鸟张翼，喻猖狂、嚣张。

⑦ 师师：端整的样子。

⑧ 允文允武：文武兼备。

⑨ 蔑如：不如。

广宁、初安，蔡州之蔡阳，郢州之汉东二十郡为隋国。剑履上殿，入朝不趋，赞拜不名，备九锡^①之礼，加玺绂、远游冠、相国印绿綬绶，位在诸侯王上。隋国置丞相已下，一依旧式。

高祖再让，不许。乃受王爵、十郡而已。诏进皇祖、考爵并为王，夫人为王妃。辛巳，司马消难以陈师寇江州，刺史成休宁击却之。

大定元年春二月壬子，令曰：“已前赐姓，皆复其旧。”是日，周帝诏曰：“伊、周作辅，不辞殊礼之锡，桓、文为霸，允应异物之典，所以表格天^②之勋，彰不代之业。相国隋王，前加典策，式昭大礼，固守谦光，丝言未缔^③。宜申显命，一如往旨。王功必先人，赏存后已，退让为本，诚乖朕意。宜命百辟^④尽诣王宫，众心克感，必令允纳。如有表奏，勿复通闻。”癸丑，文武百官诣阁敦劝，高祖乃受。甲寅，策曰：

咨尔假黄钺、使持节、大丞相、都督内外诸军事、上柱国、大家宰隋王：天覆地载，藉人事以财成，日往月来，由王道而盈昃。五气陶铸，万物流形。谁代上玄^⑤之工，斯则大圣而已。曰惟先正，翊亮皇朝。种德积善，载诞上相，精采不代，风骨异人。匡国济时，除凶拨乱。百神奉职，万国宅心^⑥。殷相以先知悟人，周辅乃弘道于代，方斯蔑如也。今将授王典礼，其敬听朕命：

① 九锡：皇帝赐给功高盖世的大臣的九种东西。魏晋以后，成为大臣篡夺帝位前的一种程式。

② 格天：受命于天，凡所作为，感通天地。

③ 丝言未缔：指杨坚发布的命令尚未称作“诏”。缔(fù)：帝王的诏书。指杨坚不称帝。

④ 百辟：百官。

⑤ 上玄：上天。

⑥ 宅心：归心。

朕以不德，早承丕绪，上灵降祸，夙遭愍凶。妖丑觊觎，密图社稷，宫省之内，疑患惊心。公受命先皇，志在匡弱，辑谐内外，潜运机衡，奸人慑惮，谋用丕显。俾贊旒^①之危为太山之固。是公重造皇室，作霸之基也。伊我祖、考之代，任寄已深，入掌禁兵，外司藩政，文经武略，久播朝野。戎轩^②大举，长驱晋、魏，平阳震熊罴之势，冀部耀貔貅之威。初平东夏，人情未一，丛台之北，易水之南，西距井陉，东至沧海，比数千里，举袂如帷。委以连城，建旌杖节，教因其俗，刑用轻典，如泥从印，犹草随风。此又公之功也。吴、越不宾，多历年，淮、海之外，时非国有。爰整其旅，出镇于毫，武以威物，文以怀远。群盗自奔，外户不闭，人黎^③慕义，襁负而归。自北之风，化行南国。此又公之功也。宣帝御宇，任重宗臣，入典八屯，外司九伐。禁卫勤巡警之务，治兵得搜狩之礼。此又公之功也。銮驾游幸，频委留台，文武注意，军国諮稟。万事咸理，反顾无忧。此又公之功也。朕在谅暗^④，公实总己^⑤。磐石之宗，奸回者众，招引无赖，连结群小。往者国衰甫尔^⑥，已创阴谋，积恶数旬，昆吾方稔。泣诛罄旬，宗庙以宁。此又公之功也。尉迥猖狂，称兵邺邑，欲长戟而指北阙，强弩而围南斗，凭陵三魏之间，震惊九州之半，聚徒百万，悉成蛇豕，淇水、洹水，一饮而竭。人之死生，翻系凶

① 贯旒：喻居其位而无实权。

② 戎轩：兵车。喻兴兵。

③ 人黎：百姓。

④ 谅暗：天子、诸侯居丧称作谅暗。

⑤ 总己：天子居丧期间，百官各统己职，以听命于冢宰。此处指皇帝居丧，杨坚全权处理国事。

⑥ 甫尔：刚刚开始。

竖，寿之长短，不由司命。公乃戒彼鹰扬，出车练卒，誓苍兕^①于河朔，建瓴水于山东。口授兵书，手画行阵，量敌制胜，指日克期。诸将遵其成旨，壮士感其大义，轻死忘生，转斗千里，旗鼓奋发，如火燎毛。玄黄变漳河之水，京观比爵台之峻。百城氛祲，一旦廓清。此又公之功也。青土连率，跨据东秦，藉负海之饶，倚连山之险，望三辅而将逐鹿，指六国而愿连鸡^②。风雨之兵，助鬼为虐。本根既拔，枝叶自殒，屈法申恩，示以大信。此又公之功也。申部残贼，充斥一隅，蠭飞蚁聚，攻州略地。播以玄泽，迷更知反，服而舍之，无费遣使。此又公之功也。宇文胄亲则宗枝，外藩岩邑，影响^③邺贼，有同就燥。迫胁吏人，叛换城戍；偏师讨蹙，遂入网罗。束之武牢，有同囹圄，事穷将军，如伏国刑。此又公之功也。檀让、席毗，拥众河外。陈、韩、梁、郑、宋、卫、邹、鲁，村落成枭獍之墟，人庶为豺狼之饵。强以陵弱，大则吞小，城有昼闭，巷无行人。授律出师，随机扫定，让既授首，毗亦枭悬^④。此又公之功也。司马消难与国亲姻，作镇安陆，性多嗜欲，意好貪聚。属城子女，劫掠靡余，部人货财，多少具罄。擅诛刺举之使，专杀仪台之臣。惧罪畏威，动而内嚧^⑤。蚕食郡县，鸩毒华夷，闻有王师，自投南裔。帝唐崇山之罚，仅可方此，大汉流御之刑，是亦相匹。逋逃入薮，荆、郢用安。此又公之功也。王谦在蜀，翻为厉阶^⑥，闭剑阁之门，塞灵关之宇，自谓五丁复起，万夫莫向。分间推轂，尝不逾时，风驰席卷，

① 苍兕：一种水兽，能覆舟。以此警戒居官者各尽职守。

② 连鸡：绑在一起的鸡，喻互相牵制，行动不能一致。

③ 影响：响应。

④ 枙悬：杀人死，将其头挂于木上。

⑤ 嗽：因发怒而作乱。

⑥ 厉阶：祸端。

一举大定，擒斩凶恶，扫地无遗。此又公之功也。陈顼因循伪业，自擅金陵，屡遣丑徒，赵超江北。公指麾藩镇，无不摧殄。方置文深之柱，非止尉佗之拜。此又公之功也。

公有济天下之勤，重之以明德，始于辟命，屈已登庸^①。素业清徽，声掩廊庙，雄规神略，气盖朝野。序百揆^②而移四门，耻一匡之举九合。尊贤崇德，尚齿贵功，录旧旌善，兴亡继绝。宽猛相济，彝伦攸叙。郭睦帝亲，崇奖王室。星象不拆，阴阳自调，玄冥、祝融如奉太公之召，雨师、风伯似应成王之宰。祥凤嘉气，触石摇林，瑞兽异禽，游园鸣阁。至功至德，可大可久，尽品物之和，究杳冥之极。

朕又闻之，昔者明王设官胙土^③，营丘四履，得征五侯，参墟宪章，异其礼物。故藩屏作固，垂拱责成，沈默岩廊，不下堂席。公道高往烈^④，赏薄前王。朕以眇身，托于兆人之上，求诸故实，甚用惧焉。往加大典，宪章在昔。谦以自牧，未应朝礼。日月不居，便已隔岁。时谈物^⑤议，其谓朕何！今进授相国总百揆，以申州之义阳等二十郡为隋国。今命使持节、太傅、上柱国、杞国公椿，大宗伯、大将军、金城公赵朓，授相国印绶。相国礼绝百辟，任总群官，旧职常典，宜与事革。昔尧臣太尉，舜佐司空，姬旦相周，霍光辅汉，不居藩国，唯在天朝。其以相国总百揆，去众号焉。上所假节、大丞相、大家宰印绶。

又加九锡，其敬听朕后命。以公执律修德，慎狱恤刑，为其训范，人无异志，是用锡公大辂、戎辂各一，玄牡二驷。公勤心

^① 登庸：登上皇帝位。

^② 百揆：百官、庶政。

^③ 賂土：帝王将土地分封给功臣。

^④ 烈：功业。

^⑤ 物：人。

地利，所宝人天，崇本务农，公私殷阜，是用锡公充冕之服，赤舄^①副焉。公乐以移风，雅以变俗，遐迩胥^②悦，天地咸和，是用锡公轩悬之乐，六佾之舞。公仁风德教，覃^③及海隅，荒忽幽遐，回首内向，是用锡公朱户以居。发水镜人伦，铨衡庶职，能官流咏，遗贤必举，是用锡公纳陛以登。公执钧于内，正性率下，犯义无礼，罔不屏黜，是用锡公式贲之士三百人。公是用锡公𫓧钺各一。公威严夏日，精厉秋霜，猾夏必诛，顾眄天壤，扫清奸宄，折冲无外，是用锡公彤弓一、彤矢百，卢弓十、卢矢千。惟公孝通神明，肃恭祀典，尊严如在，情切幽明，是用锡公秬鬯一，圭瓒副焉。隋国置丞相以下，一遵旧式。往钦哉！其敬循往策，祗服大典，简恤尔庶功，对扬我太祖之休命。

于是建台置官。

丙辰，诏王冕十有二旒，建天子旌旗，出警入跸^④，乘金根车，驾六马，备五时副车，置旄头云罕，乐舞八佾，设钟虚宫悬。王妃为王后，长子为太子。前后三让，乃受。

俄而周帝以众望有归，乃下诏曰：“元气肇辟，树之以君，有命不恒，所辅惟德。天心人事，选贤与能，尽四海而乐推，非一人而独有。周德将尽，妖孽递生，骨肉多虞，藩维构衅，影响同恶，过半区宇，或小或大，图帝图王，则我祖宗之业，不绝如线。相国隋王，睿圣自天，英华独秀，刑法与礼仪同运，文德共武功俱远，爱万物其如己，任兆庶以为忧。手运玑衡，躬命将士，芟夷^⑤奸宄，刷荡氛祲，化

① 赤舄：古代帝王、贵族所穿的礼鞋。

② 舛：皆、都。

③ 芨：延、及。

④ 出警入跸：古代帝王出巡，左右侍卫为警，止人清道为跸。指戒止行人。

⑤ 芜夷：铲除。